

69. stjórnarfundur Bergrisans bs.

27.01.2024

Staðsetning: Bankinn vinnustofa og fjarfundur á Teams

Fundur hófst klukkan 13:00

Fundinn sátu: Fjóla Steindóra Kristinsdóttir, Ása Valdís Árnadóttir, Elliði Vignisson, Sandra Sigurðardóttir.

Á Teams voru þær Svava Davíðsdóttir, Anný Ingimarsdóttir og Sigprúður Birta Jónsdóttir.

Gestur á fundinum undir lið tvö er Steinunn Erla Kolbeinsdóttir, lögmaður.

Dagskrá

1. Nýr starfsmaður Bergrisans bs.

Auglýst var starf skrifstofustjóra Bergrisans bs. 24 umsóknir bárust um starfið. Sjö einstaklingar voru teknir í viðtöl og tveir í framhaldsviðtal.

Lagt er til við stjórn Bergrisans að samþykka að Bjarki R. Kristjánsson verði ráðinn í 80% starf sem skrifstofustjóri byggðasamlagsins. Fjólu St. Kristinsdóttur er falið að ganga frá ráðningunni.

2. Viðauki við þjónustusamning- Sólheimar

Gerður er viðauki við þjónustusamning sem undirritaður var 13. september 2019 með gildistíma til 31. desember 2023. Viðauki gildir þar til aðilar hafa náð samningi um áframhaldandi þjónustu við fatlaða einstaklinga sem hafa búsetu á Sólheimum í Grímsnes- og Grafningshreppi til næstu fimm ára með möguleika til tveggja ára til viðbótar. Nýr þjónustusamningur mun hafa gildistíma frá 1. janúar 2024 og munu framlög til þjónustusala vegna þeirrar þjónustu sem veitt er fötluðum einstaklingum með búsetu á Sólheimum vera samkvæmt ákvæðum nýs samnings þ.m.t heildargreiðslur fyrir árið 2024. Viðaukinn fjallar einnig um fullnaðargreiðslu vegna uppgjors ársins 2023.

Stjórn samþykkir viðaukann og staðfestir heimild Fjólu St. Kristinsdóttur til að undirrita viðaukann fyrir hönd stjórnar Bergrisans.

3. Drög að þjónustusamningi við Sólheima

Steinunn Erla Kolbeinsdóttir, lögmaður, leggur fram drög að þjónustusamningi við Sólheima með gildistíma 1. janúar 2024 til 31. desember 2028. Samningurinn tekur til sértækrar þjónustu sem veitt er þjónustunotendum sem búa að Sólheimum í Grímsnes- og Grafningshreppi og ber þjónustuaðili alla ábyrgð á þjónustu sem veitt er á grundvelli samningsins og að hún sé í samræmi við kröfur í lögum og reglugerðum sem eru í gildi á hverjum tíma um þjónustu við fatlað fólk.

Samningsdrögin eru einnig lögð fyrir fulltrúa Innviðaráðuneytisins sem hafa áður komið að verkefninu að beiðni Sólheima ses og stjórnar Bergrisans bs. Drögin geta tekið breytingum í því ferli.

Lokadrög samnings verða lögð fyrir stjórn Bergrisans bs.

4. Fjárhagsáætlun vegna þjónustu við fatlað fólk- Fagrabrekka

Sólheimar ses leggja fram fjárhagsáætlun vegna rekstrarársins 2024. Miðað er við að rekstrarkostnaður vegna Fögrubrekku verði 95.253.000 en í gildandi fjárhagsáætlun Bergrisans er gert ráð fyrir rekstrarkostnaði að upphæð 94 mkr.

Stjórn samþykkir kostnaðinn og að gerður verði viðauki við fjárhagsáætlun.

5. Fundargerðir þjónusturáðs

Svava Davíðsdóttir, formaður þjónusturáðs kynnir fundargerðir þjónusturáðs númer 176 og 177.

6. Beiðni um fjölgun stunda í NPA samning

Anný Ingimarsdóttir leggur erindi fyrir stjórn Bergrisans. NPA setur óskar eftir að mánaðarlegur frádráttur vegna viðveru notanda á VISS verði 293.000 kr. og að samningsupphæð hækki um 143.760 kr. á mánuði og verði þá 3.344.280 kr. Er þannig tekið tillit til þess að viðvera notanda í VISS fer fram í dagvinnutíma en útreikningar samnings miða við vegna jafnaðarstund. Óskað er eftir leiðréttingu frá 1. júní 2023.

Þjónusturáð Bergrisans hefur samþykkt beiðnina fyrir sitt leyti frá og með 1. janúar 2024.

Stjórn samþykkir tillögu þjónusturáðs og að gerður verði viðauki við fjárhagsáætlun.

7. Beiðni um aukið stöðugildi- Viss Hvolsvelli

Svava Davíðsdóttir leggur erindi fyrir stjórn Bergrisans. Óskað er eftir aukningu stöðugildis í Viss Hvolsvelli um 0,5. Fjölgun hefur orðið á fötluðum starfsmönnum í Viss og er starfsemin að flytjast í stærra húsnæði. Með fjölgun stöðugildis um 0,5 eru starfsmenn hverju sinni þrír á vakt og er það talið nauðsynlegt vegna öryggisþátta og faglegs innra starfs. Áætlaður kostnaður eru kr. 4.964.000.

Stjórn samþykkir tillögu þjónusturáðs og að gerður verði viðauki við fjárhagsáætlun.

8. Tillaga að skipulagsbreytingum vegna búsetu og skammtímadvalar í Árborg

Sigþrúður Birta Jónsdóttir leggur erindi fyrir stjórn Bergrisans. Lagt er til að gera breytingar á stjórnskipulagi í málefnum fatlaðs fólks í Árborg. Lagt er til að forstöðustarf yfir búsetu fyrir börn falli undir forstöðumenn skammtímadvalar með aðstoð deildarstjóra á báðum stöðum. Mikil samlegðaráhrif eru á einingunum og og hægt er að horfa heildrænt til framtíðar varðandi mat og greiningu á þörf á úrræðum og þjónustu undir sama forstöðumanni. Að auki er lagt til að forstöðustarf í Vallholti 12-14 og Nauthaga muni vera sameinuð með deildarstjóra á báðum einingum í fullu starfi.

Ávinningur af breytingunum er að líkindi eru á rekstri úrræða fyrir börn annars vegar og fullorðna hins vegar. Þannig fæst hagræði og sérhæfð stýring á úrræðunum. Áætlað er að launakostnaður vegna breytinganna dragist saman um allt að 3.600.000 kr. á ári.

Tillagan miðar við að breytingar verði gerðar til eins árs. Við enda árs skal meta ávinning breytinganna ásamt mati á álagi forstöðumanna og deildarstjóra.

Stjórn samþykkir tillöguna og felur Sigprúði Birtu að útfæra breytinguna.

Fundi slitið klukkan 15:10